

LUTKA 2 Nova akcija SIPA u Sarajevu

UHAPSEN SARADNIK NASERA KELJMENDIJA

Fadil Schollbauer osumnjičen je za prebacivanje heroina iz Turske u zemlje zapadne Evrope

Pripadnici Državne agencije za istrage i zaštitu (SIPA) uhapsili su u akciji nazvanoj Lutka 2 59-godišnjeg Fadila Schollbauera, državljanina Austrije, zbog sumnje da je kao član organizirane kriminalne grupe kojom je rukovodio Naser Keljmendi, učestvovao u prebacivanju heroina iz Turske u zemlje zapadne Evrope. Naser Keljmendi, za koga se sumnja da je vođa jedne od najopasnijih kriminalnih grupa na Balkanu i koji se nalazi na američkoj crnoj listi narkobosova, uhapšen je prije skoro godinu na Kosovu.



Keljmendijev saučesnik priveden u prostorije SIPA

Rasvjetljavanje

Fadil Schollbauer, inače vlasnik kafića Akademija u sarajevskom naselju Hrasno i Caffè America u Ulici Hasana Sušića u Sarajevu, duži je period meta policijskog istraživanja zemalja u regiji i šire, posebno policijskih organa Austrije. Kako je saopćeno iz SIPA, prilikom rada na ovom predmetu ostvarena je intenzivna saradnja sa EULEX-om i policijskim organima Austrije.

Kako saznajemo, policija je u toku akcije pretresla stambene

objekte i vozila koje je koristio osumnjičeni, a on je priveden na saslušanje u prostorije SIPA. Nakon saslušanja će biti predat državnom Tužilaštvu, koje će naknadno odlučiti o pritvoru. U Agenciji za istrage i zaštitu BiH ističu da će i narednih dana biti nastavljene aktivnosti s ciljem rasvjetljavanja velikog broja ubistava, razbojništava, iznuda i drugih teških krivičnih djela, koja su po svom intenzitetu i načinu iz-

vršenja ozbiljno narušila sigurnost građana BiH.

Nastavak

Inače, ova akcija je nastavak akcije Lutka, u kojoj su uhapšeni Bojan Cvijan, Benan Dorić, Muhammed Ramić, Sead Robović, Edin i Admir Ahmetpahić, Ljubiša Laločić, Marko Krajišnik, Dejan Vukosavljević, Nermin Tahirović, Elvira, Azim i Mehmed Kajević, Elvis Zlatić, Slobodanka Tošić, Dra-

gan Vujičić, Vladan Parađina, Dragan Jevtović, Benjamin Halilović, Dragan Obućina, Anes Kurbegović, Slaviša Bobar, Mladen Mičić i Himzo Čato. Pored ostalog, grupi je na teret stavljeno ubistvo Borisa Govedarice, Vlatka Mačara, te Milana Vlaškića i Radeta Magazina, ali i Zorana Goluba Čarlame, planiranje i dva pokušaja ubistva Đorđa Ždrale, tri velike pljačke, te pokušaj jedne, pranje novca i druga djela.

A. B. Č.